

十  
八  
家  
詩  
鈔

十八家詩鈔卷二十七目錄

蘇東坡七絕下二百三十五首

寒食日答李公擇三絕次韻

聞李公擇飲傅國博家大醉二首

文與可有詩見寄云待將一段鴟鴞絹埽取寒梢萬尺長

次韻答之

次韻參寥師寄秦太虛三絕句時秦君舉進士不得

次韻田國博部夫南京見寄二首

送蜀人張師厚赴殿試二首

再次韻答田國博部夫還二首

次韻關令送魚

梅花二首

陳季常所蓄朱陳村嫁娶圖二首

少年時嘗過一村院見壁上有詩云夜涼疑有雨院靜似

無僧不知何人詩也宿黃州禪智寺寺僧皆不在夜半

雨作偶記此詩故作一絕

次韻樂著作送酒

次韻樂著作天慶觀醮

南堂五首

子由作二頌頌石臺長老問公手寫蓮經字如黑蟻且誦

萬徧習不至席二十餘年予亦作二首

橄欖

海棠

東坡

子由在筠作東軒記或戲之爲東軒長老其塔曹煥往筠  
余作一絕句送曹以戲子由曹過廬山以示圓通慎長  
老慎欣然亦作一絕送客出門歸入室跌坐化去子由  
聞之仍作二絕一以答余一以答慎明年余過圓通始  
得其詳乃追次慎韻

余過溫泉壁上有詩云直待眾生總無垢我方清冷混常

流問人云長老可遵作遵已退居圓通亦作一絕

世傳徐凝瀑布詩云一條界破青山色至爲塵陋又僞作樂天詩稱羨此句有寶不得之語樂天雖涉淺易然豈至是哉乃戲作一絕

書李公擇白石山房

贈東林總長老

題西林壁

次荆公韻三首

題孫思邈真

戲作鮑魚一絕

次韻答寶覺

以玉帶施元長老元以衲帟相報次韻二首

金山夢中作

和王勝之三首

春日

歸宜興留題竹西寺三首

孟震同遊常州僧舍三首

贈常州報恩長老二首

溪陰堂

惠崇春江晚景二首

戲周正孺二絕

軾以去歲春夏侍立邇英而秋冬之交子由相繼入侍次

韻絕句四首各述所懷

書皇親扇

書李世南所畫秋景二首

次韻宋肇惠澄心紙二首

郭熙秋山平遠二首

謝王澤州寄長松兼簡張天覺二首

和子由除夜元日省宿致齋二首

次韻答張天覺二首

書艾宣畫四首

送錢穆父出守越州二首

書林次中所得李伯時歸去來陽關二圖後二首

題李伯時畫趙景仁琴鶴圖二首

王晉卿所藏著色山二首

次韻王晉卿惠花栽所寓張退傅第中

書王定國所藏王晉卿畫著色山

同秦仲二子雨中游寶山

與莫同年雨中飲湖上

次韻王忠玉游虎邱三首



和錢四寄其弟蘇

次韻子由使契丹至涿州見寄四首

又和景文韻

西湖壽星院此君軒

菩提寺南漪堂杜鵑花

次韻錢穆父紫薇花二首

次韻楊公濟梅花十首

贈劉景文

謝關景仁送紅梅栽二首

遊寶雲寺得唐彥猷爲杭州日送客舟中手書一絕句明

日送彥猷之子珂赴鄂州因和其韻作兩首送之且歸

其書唐氏

再和楊公濟梅花十絕

次韻參寥同前

書渾令公燕魚朝恩圖

惠淨師以醜石贈行作三絕句

書王晉卿畫四首

題王晉卿畫後

贈武道士彈賀若

元祐六年六月自杭州召還汶公館我於東堂閱舊詩卷

次諸公韻三首

送歐陽主簿赴官韋城四首

臂痛謁告作三絕句示四君子

西湖戲作

次韻趙德麟雪中惜梅且餉柑酒三首

淮上早發

次韻德麟西湖新成見懷絕句

予少年頗知種松手植數萬株皆中梁柱矣都梁山中見

杜輿秀才求學其法戲贈二首

次韻秦少游王仲至元日立春三首

上元侍飲樓上三首呈同列

再送蔣穎叔帥熙河二首

次韻錢穆父馬上寄蔣穎叔二首

七年九月自廣陵召還復館於浴室東堂八年六月乞會稽將去汶公乞詩乃復用前韻三首

題毛女真

三月二十日開園三首

臨城道中作

紹聖元年六月舟行赴嶺外熱甚

慈湖夾阻風五首

宿建封寺曉登盡善亭望韶石三首

食荔枝

三月二十九日二首

縱筆三首

次韻子由贈吳子野先生二絕句

被酒獨行徧至子雲威徽先覺四黎之舍三首

題過所畫枯木竹石三首

澄邁驛通潮閣二首

合浦愈上人以詩名嶺外將訪道南嶽畱詩壁上東坡居

士過其精舍戲和其韻

書韓幹二馬

跋王晉叔所藏畫

趙昌四季四首

題靈峰寺壁

贈龍光長老

贈嶺上老人

贈嶺上梅

予初謫嶺南過田氏水閣東南一峰豐下銳上里人謂雞

籠山予更名獨秀峰今復過之戲畱一絕

畫車二首

次韻郭功甫二首

次韻法芝舉舊詩一首

睡起聞米元章冒熱到東園送麥門冬飲子

洗兒

戲作賈梁道詩

戲孫公素

劉監倉家煎米粉作餅子潘邠老家造逡巡酒余攜家飲  
郊外因作小詩戲劉公求之

元祐元年二月八日朝退獨在起居院讀漢書儒林傳感  
申公故事作小詩一絕

過子忽出新意以山芋作玉糝羹色香味皆奇絕天上酥陀則不可知人閒決無此味也

擷菜

陸放翁七絕上百七十首

東陽道中

以石芥送劉韶美禮部劉比釀酒勁甚因以爲戲二首  
買魚二首

悲秋

七月十四夜觀月

十月苦蠅二首



重陽

秋風亭拜寇萊公遺像二首

倚闌

謝張廷老司理錄示山居詩二首

大安病酒留半日王守復來招不往送酒解醒因小飲江

月館

和高子長參議道中二絕

自三泉泛嘉陵至利州

仙魚鋪得仲高兄書

劔門道中遇微雨

劔門城北回望劔關諸峰青入雲漢感蜀亡事慨然有賦  
越王樓二首

和譚德稱送牡丹二首

思政堂東軒偶題

荔枝樓小酌二首

醉中作四首

池上見魚躍有懷姑熟舊遊

秋夜讀書戲作

太平花

次韻周輔道中二首

高秋亭

九日試霧中僧所贈茶

花時徧遊諸家園十首

題直舍壁

觀華嚴閣僧齋

寺樓月夜醉中戲作三首

江瀆池納涼

讀書二首

寺居睡覺二首

海棠二首

雜詠四首

夜坐

城北青蓮院方丈壁間有畫鷺子者過客多題詩予亦戲

作二絕句

雙流旅舍三首

文君井

山中小雨得字文使君簡問嘗見張僊翁乎戲作一絕

雨中山行至松風亭忽澄霽

夜寒二首

記夢二首

江上散步尋梅偶得三絕句

看梅歸馬上戲作二首

敘州三首

龍興寺弔少陵先生寓居

歸州重五

楚城

小雨極涼舟中熟睡至夕

過靈石三峰二首

梅花絕句六首

建安遣興二首

秋懷二首

黃亭夜雨

紫谿驛二首

臥輿

夜坐

月巖

聞雁

燈夕有感

感舊絕句七首

晝臥聞百舌

觀蔬圃

焚香晝睡比覺香猶未散戲作二首

薤庭草

夏日晝寢夢遊一院闐然無人簾影滿堂惟燕躡箏絃有聲覺而聞鐵鐸風響璆然殆所夢也邠因得絕句

書李商叟秀才所藏曾文清詩卷後

社日小飲

杭頭晚興二首

予欲自嚴買船下七里灘謁嚴光祠而歸會灘淺陸行至桐廬始能泛江因得絕句

漁浦二首

小園四首

夜坐獨酌

湖村月夕四首

蔬圃絕句七首

蔬園雜詠五首

秋雨漸涼有懷興元三首

秋夜觀月二首

枕上

月下



八家詩金 卷三十一  
寄題朱元晦武夷精舍五首

無題

遊仙五首

十八家詩鈔卷二十七目錄

善化 維寧 襄校

十八家詩鈔卷二十七

湘鄉曾國藩纂 合肥李鴻章審訂 東湖王定安校

蘇東坡七絕下二百三十五首

寒食日答李公擇三絕次韻

從來蘇李得名雙只恐全齊笑陋邦詩似懸河供不辦故欺張

籍隴頭瀧

簿書馨鼓不知春佳句相呼賴故人寒食德公方上冢歸來誰

主復誰賓

巡城已困塵埃眯執扑仍遭蟣蟲緣欲脫布衫攜素手試開病

眼點黃連

自注來詩謂  
僕布衫督役

聞李公擇飲傅國博家大醉二首

兒童拍手鬧黃昏  
應笑山公醉習園  
縱使先生能一石  
主人未肯獨留髡

不肯惺惺騎馬迴  
玉山知爲玉人頽  
紫雲有語君知否  
莫喚分司御史來

文與可有詩見寄云待將一段鵝谿絹  
埽取寒梢萬尺長

次韻答之

爲愛鵝谿白繭光  
埽殘雞距紫毫鉞  
世閒那有千尋竹  
月落庭空影許長

次韻參寥師寄秦太虛三絕句時秦君舉進士不得

秦郎文字固超然，漢武憑虛意欲仙。  
底事秋來不得解，定中試與問諸天。

一尾追風抹萬蹏，崑崙玄圃謂朝躋。  
回看世上無伯樂，卻道鹽車勝月題。

得喪秋毫久已冥，不須聞此氣崢嶸。  
何妨卻伴參寥子，無數新詩咳唾成。

次韻田國博部夫南京見寄二絕

歲月翩翩下坂輪，歸來杏子已生仁。  
深紅落盡東風惡，柳絮榆錢不當春。

火冷錫稀杏粥稠，青裙縞杖餉田頭。  
大夫行役家人怨，應羨居

鄉馬少游

送蜀人張師厚赴殿試二首

忘歸不覺鬢毛斑。好事鄉人尙往還。  
斷嶺不遮西望眼。送君直過楚王山。  
雲龍山下試春衣。放鶴亭前送落暉。  
一色杏花三十里。新郎君去馬如飛。

再次韻答田國博邵夫還二首

西郊黃土沒車輪。滿面風埃笑路人。  
已放役夫三萬指。從教積雨洗殘春。  
枝上稀疏地上稠。忍看紅糝落牆頭。  
風流別乘多才思。歸趁西

園秉燭游

次韻關令送魚

自此以上皆杭州密州徐州之詩

舉網驚呼得巨魚  
饑涎不易忍  
流酥更煩赤腳長  
鬢老來聽西風十幅蒲

梅花二首

此下論居黃州之詩

春來幽谷水潺潺  
的皪梅花草棘間  
一夜東風吹石裂  
半隨飛雪渡關山

何人把酒慰深幽  
開自無聊落更愁  
幸有清谿三百曲  
不辭相送到黃州

陳季常所蓄朱陳村嫁娶圖二首

十八家詩集卷二十七

何年願陸丹青手畫作朱陳嫁娶圖聞道一村惟兩姓不將門戶買崔盧

我是朱陳舊使君勸耕曾入杏花村而今風物那堪畫縣吏催錢夜打門

少年時嘗過一村院見壁上有詩云夜涼疑有雨院靜似無僧不知何人詩也宿黃州禪智寺寺僧皆不在夜半

雨作偶記此詩故作一絕

佛燈漸暗飢鼠出山雨忽來修竹鳴知是何人舊詩句已應知我此時情

次韻樂著作送酒

少年多病怯杯觴。老去方知此味長。萬斛羈愁都似雪。一壺春酒若爲湯。

次韻樂著作天慶觀醮

濁世紛紛肯下臨。夢尋飛步五雲深。無因上到通明殿。只許微聞玉佩音。

南堂五首

江上西山半隱隄。此邦臺館一時西。南堂獨有西南向。臥看千帆落淺谿。

暮年眼力嗟猶在。多病頭毛卻未華。故作明窗書小字。更開幽室養丹砂。



他時夜雨困移牀坐厭愁聲點客腸一聽南堂新瓦響似聞東  
塢小荷香

山家爲割千房蜜穉子新畦五畝蔬更有南堂堪著客不憂門  
外故人車

掃地燒香閉閣眠簟紋如水帳如煙客來夢覺知何處挂起西  
窗浪接天

子由作二頌頌石臺長老問公手寫蓮經字如黑蟻且誦  
萬徧脅不至席二十餘年予亦作二首

眼前擾擾黑虬口角霏霏白唾珠要識吾師無礙處試將燒  
卻看頤無

眼睛心地兩虛圓。齋不沾牀二十年。誰信吾師非不睡。睡地已死得安眠。

橄欖

紛紛青子落紅鹽。正味森森苦且嚴。待得微甘回齒頰。已輸崖蜜十分甜。

海棠

東風渺渺一作泛崇光。香霧空濛一作弄。月轉廊。只恐夜深花睡去。故燒高燭照紅妝。

東坡

雨洗東坡月色清。市人行盡野人行。莫嫌犖峒坡頭路。自愛鏗

七絕

卷二十一

七絕

蘇軾下

五

然曳杖聲

子由在筠作東軒記或戲之爲東軒長老其婿曹煥往筠  
余作一絕句送曹以戲子由曹過廬山以示圖通慎長  
老慎欣然亦作一絕送客出門歸入室跌坐化去子由  
聞之仍作二絕一以答余一以答慎明年余過圓通始  
得其詳乃追次慎韻

君到高安幾日回一時斗擻舊塵埃贈君一籠牢收取盛取東  
軒長老來

右送曹詩

大士何曾有生死小儒底處覓窮通偶畱一峽千山上散作人

聞萬竅風

右和慎詩

余過溫泉壁上有詩云直待眾生總無垢我方清冷混常流問人云長老可遵作遵已退居鳳翅亦作一絕

石龍有口口無根自在流泉誰吐吞若信眾亦無垢此泉何處覓寒溫

世傳徐凝瀑布詩云一條界破青山色至爲塵陋又僞作樂天詩稱羨此句有饗不得之語樂天雖涉淺易然豈至是哉乃戲作一絕

帝遣銀河一派垂古來惟有謫仙詞飛流濺沫知多少不與徐

凝洗惡詩

書李公擇白石山房

偶尋流水上崔嵬五老蒼顏一笑開若見謫仙煩寄語匡山頭  
白早歸來

贈東林總長老

溪聲便是廣長舌山色豈非清淨身夜來八萬四千偈他日如  
何舉似人

題西林壁

橫看成嶺側成峰遠近高低各不同不識廬山真面目只緣身  
在此山中

次荆公韻四首

第四首五言  
絕句未鈔

青李扶疏禽自來，清眞逸少手親栽。  
深紅淺紫從爭發，雪白鵝黃也鬪開。

斫竹穿花破綠苔，小詩端爲覓椽栽。  
細看造物初無物，春到江南花自開。

騎驢渺渺入荒陂，想見先生未病時。  
勸我試求三畝宅，從公已覺十年遲。

題孫思邈眞

先生一去五百載，猶在峨眉西嶼中。  
自爲天仙足官府，不爲塵世解坐蟲。

戲作鮪魚一絕

粉紅石首仍無骨  
雪白河豚不藥人  
寄語天公與河伯  
何妨乞與水精鱗

次韻答寶覺

芒屨竹杖布行纏  
遮莫千山更萬山  
從來無腳不解滑  
誰信石頭行路難

以玉帶施元長老  
元以衲扇相報  
次韻二首

病骨難堪玉帶圍  
鈍根仍落箭鋒機  
欲教乞食歌姬院  
故與雲山舊衲衣

此帶閱人如傳舍  
流傳到我亦悠哉  
錦袍錯落真相稱  
乞與伴

狂老萬回

金山夢中作

江東賈客木綿裘會散金山月滿樓夜半潮來風又熟臥吹簫  
管到揚州

和王勝之三首

城上湖光暖欲波美人唱我踏春歌魯公賓客皆詩酒誰是神  
仙張志和

齊釀如澗漲綠波公詩句句可絃歌流觴曲水無多日更作新  
詩繼永和

要知太守憐孤客不惜陽春和俚歌坐睡樽前呼不應爲公雕



琢損天和

春日

鳴鳩乳燕寂無聲。日射西窗潑眼明。午醉醒來無一事。只將春睡賞春晴。

歸宜興留題竹西寺三首

十年歸夢寄西風。此去真爲田舍翁。賸覓蜀岡新井水。要攜鄉味過江東。

道人勸飲雞蘇水。童子能煎鶯粟湯。暫借藤牀與瓦枕。莫教孤負竹風涼。

此生已覺都無事。今歲仍逢大有年。山寺歸來聞好語。野花嘯

鳥亦欣然

孟震同遊常州僧舍三首

年來轉覺此生浮  
又作三吳浪漫游  
忽見東平孟君子  
夢中相對說黃州

湛湛清池五月寒  
小山無數碧巒岈  
穉杉戢戢三千本  
且作淩雲合抱看

知君此去便歸耕  
笑指孤舟一葉輕  
待向三茅乞靈雨  
半篙流水送君行

贈常州報恩長老二首

碧玉盃盛紅馬腦  
井花水養石菖蒲  
也知法供無窮盡  
試問禪

師得飽無

薦福老懷真巧便淨慈兩本更尖新憑師爲作鐵門限準備人

閒請話人

溪陰堂

白水滿時雙鷺下綠槐高處一蟬吟酒醒門外三竿日臥看溪

南十畝陰

惠崇春江晚景二首

竹外桃花三兩枝春江水暖鴨先知蘆蒿滿地蘆芽短正是河

豚欲上時

兩兩歸鴻欲破羣依依還似北歸人遙知朔漠多風雪更待江

南半月春

戲周正孺二絕

自此以上皆黃州及常  
州居住改登州之詩

折臂三公未可知會當千盃訪權奇  
勸君鸞駱猶閒事腸斷聞  
中楊柳枝

天殿新效玉鼻騂故人共敝亦常情  
相如雖老猶能賦換馬還  
應繼二生

軾以去歲春夏侍立邇英而秋冬之交  
子由相繼入侍次

韻絕句四首各述所懷

此下皆入朝爲翰  
林學士以後之詩

瞳瞳日脚曉猶清細細槐花暖自零  
坐閱諸公半廊廟

自注僕  
射呂公

門下韓公右丞劉時看黃色起天庭

公皆自講席大用時

上尊初破蚤朝寒茗盃仍霑講舌乾  
陛楯諸郎空雨立故應慙悔不儒冠

兩鶴摧頽病不言年來相繼亦乘軒  
誤聞九奏聊飛舞可得斐回爲啄吞

微生偶脫風波地晚歲猶存鐵石心  
定似香山老居士世緣終

淺道根深自注樂天自江州司馬除忠州刺史旋以主客郎中

起知文登召爲儀曹遂忝侍從出處老少大略相似庶幾復享此翁晚節閑適之樂焉

書皇親扇

十年江海寄浮沈  
夢遶江南黃葦林  
誰謂風流貴公子  
筆端還有五湖心

書李世南所畫秋景二首

野水參差落漲痕，疏林欹倒出霜根。扁舟一棹歸何處，家在江

南黃葉村。

人間斤斧日創夷，誰見龍蛇百尺姿。不是溪山曾獨往，何人解作挂猿枝。

次韻宋肇惠澄心紙二首

詩老囊空一不留，百番曾作百金收。

自注永叔遺聖

叔以澄心百知君

也要雕肝腎，分我江南數斛愁。

君家家學陋相如，宜與諸儒論石渠。古紙無多且分我，自應給

札奏新書。

郭熙秋山平遠二首

目盡孤鴻落照邊  
遙知風雨不同川  
此閒有句無人識  
送與襄陽孟浩然

木落蟬人已怨  
秋不堪平遠發詩愁  
要看萬壑爭流處  
他日終煩顧虎頭

謝王澤州寄長松兼簡張天覺二首

莫道長松浪得名  
能教覆額兩眉青  
便將徑寸同千尺  
知有奇功似茯苓

憑君說與埋輪使  
速寄長松作解嘲

自注張天覺詩有  
理及河東橙之語  
無復青

黏和漆葉枉將鍾乳敵仙茅

和子由除夜元日省宿致齋三首

江湖流落豈關天。禁省相望亦偶然。等是新年未相見，此身應坐不歸田。

白髮蒼顏五十三。家人遙遣試春衫。朝回兩袖天香滿，頭上銀幡笑阿咸。  
當年踏月走東風。坐看春闈鎖醉翁。白髮門生幾人在，卻將新句調兒童。

次韻答張天覺二首

車輕馬穩轡銜堅。但有蚊蚋喜撲緣。截斷口前君莫問，人間差樂勝巢仙。



馭風騎氣我何勞。且要長松作土毛。亦如訶佛丹霞老。卻向清涼禮白豪。

書艾宣畫四首

竹鶴

此君何處不相宜。況有能言老令威。誰識長身古君子。猶將緇布緣深衣。

黃精鹿

太華西南第幾峰。落花流水自重重。幽人只採黃精去。不見春山鹿養茸。

杏花白鷗

天工翦刻爲誰妍，抑藥游蜂自作團。把酒惜春都是夢，不如閑  
客此閑看。

蓮龜

半脫蓮房露壓欹，綠荷深處有遊龜。只應翡翠蘭荇上，獨見玄  
夫曝日時。

送錢穆父出守越州二首

簿書常苦百憂集，樽酒今應一笑開。京兆從教思廣漢，會稽聊  
喜得方回。

若耶谿水雲門寺，賀監荷花空自開。我恨今猶在泥滓，勸君莫  
棹酒船回。

書林次中所得李伯時歸去來陽關二圖後二首

不見何戡唱渭城  
舊人空數米嘉榮  
龍眠獨識殷勤處  
畫出陽關意外聲

兩本新圖寶墨香  
樽前獨唱小秦王  
爲君翻作歸來引  
不學陽關空斷腸

題李伯時畫趙景仁琴鶴圖二首

清獻先生無一錢  
故應琴鶴是家傳  
誰知默鼓無弦曲  
時向珠宮舞幻仙

醜石寒松人易親  
聊將短曲調長人  
乘軒故自非明眼  
終日傲舞爨薪

王晉卿所藏著色山二首

縹緲營邱水墨仙，浮空出沒無閒爾。來一變風流盡誰見，將軍著色山。

犖确何人似退之意，行無路欲從誰。宿雲解駁晨光漏，獨見山紅澗碧時。

次韻王晉卿惠花栽所寓張退傅第中

坐來念念失前人，共向空中寓一塵。若問此花誰是主，天教閑客管青春。

書王定國所藏王晉卿畫著色山

君歸嶺北初逢雪，我亦江南五見春。寄語風流王武子，三人俱

是識山人

同秦仲二子雨中游寶山

平明已報百吏散半日來陪二子閒立鶴低昂煙雨裏行人出沒樹林間

與莫同年雨中飲湖上

到處相逢是偶然夢中相對各華顛還來一醉西湖雨不見跳珠十五年

次韻王忠玉游虎邱三首

當年太白此相浮老守娛賓得二邱

自注郡人有閩邱公太守王規父嘗云不謂虎邱卽

謁閩邱規父忠玉伯父也白髮重來故人盡空餘叢桂小山幽

青蕊紅旗映玉山新詩小草落玄泉風流使善人爭看知有真

娘立道邊

自注虎邱中路有真娘墓

舞衫歌扇轉頭空只有青山杳靄中若共吳王鬪百草使君未敢借驚鴻

和錢四寄其弟蘇

再見濤頭湧玉輪煩君久駐浙江春年來總作維摩病堪笑東

西二老人

次韻子由使契丹至涿州見寄四首

老人癡鈍已逃寒子復辭行理亦難

自注余昔年辭免使北

要到盧龍看

古塞投文易水弔燕丹

胡羊代馬得安眠窮髮之南共一天又見子卿持漢節遙知遺  
老泣山前

羶毳年來亦甚都時時鳩舌問三蘇

自注余與子由入京時北使已問所在後余館伴北

三蘇文那知老病渾無用欲問君王乞鏡湖

始憶庚寅降屈原旋看蠟鳳戲僧虔隨翁萬里心如鐵

自注時猶子避

侍行此子何勞爲買田

又和景文韻

牡丹松檜時栽付與春風自在開試問壁間題字客幾人不  
爲看花來

西湖壽星院此君軒

臥聽謾謾碎龍鱗俯看蒼蒼立玉身一舸鳴夷江海去尙餘君  
子六千人

菩提寺南漪堂杜鵑花

南漪杜鵑天下無披香殿上紅氍毹鶴林兵火真一夢不歸闌  
苑歸西湖

次韻錢穆父紫薇花二首

虛白堂前合抱花秋風落日照橫斜閣人此地知多少物化無

涯生有涯

自注虛白堂前紫薇兩株俗云樂天所種

折得芳蕤兩眼花題詩相報字傾斜篋中尙有絲綸句

自注白樂天紫

薇花詩絲綸閣下文章靜鏡鼓樓中刻漏長獨坐黃昏誰是伴紫薇花對紫薇郎上嘗書此詩以賜軾

坐覺天光



照海涯

次韻楊公濟梅花十首

梅梢春色弄微和。作意南枝翦刻多。月黑林間逢縞袂。霸陵醉尉誤誰何。

相逢月下是瑤臺。藉草清樽連夜開。明日酒醒應滿地。空令飢鶴啄莓苔。

綠髮尋春湖畔回。萬松嶺上一枝開。而今縱老霜根在。得見劉郎又獨來。

月地雲階漫一樽。玉奴當作兒終不負東昏。臨春結綺荒荆棘。誰信幽香是返魂。

日出冰湖散水花野梅官柳漸欹斜西郊欲就詩人飲黃四娘  
東子美家

君知早落坐先開莫著新詩句句催嶺北霜枝最多思忍寒  
待使君來

冰盤未薦含酸子雪嶺先看耐凍枝應笑春風木芍藥豐肌弱  
骨要人醫

寒雀喧喧凍不飛遶林空啁未開枝多情好與風流伴不到雙  
雙燕語時

皎綃翦碎玉簪輕檀暈妝成雪月明有伴老人春一醉懸知欲  
落更多情

縞裙練幌玉川家  
肝膽清新冷不邪  
穠李爭春猶辦此  
更教踏雪看梅花

贈劉景文

荷盡已無擎雨蓋  
菊殘猶有傲霜枝  
一年好景君須記  
最是橙黃橘綠時

謝關景仁送紅梅栽二首

年年芳信負紅梅  
江畔垂垂又欲開  
珍重多情關令尹  
直和根撥送春來

爲君栽向南堂下  
記取他年著子時  
酸醜不堪調眾口  
使君風味好攢眉

游寶雲寺得唐彥猷爲杭州日送客舟中手書一絕句云  
山雨霏微不滿空，畫船來往疾輕鴻。誰知獨臥朱簾裏，  
一榻無塵四面風。明日送彥猷之子埏赴鄂州舟中遇  
微雨感歎前事，因和其韻作兩首送之。且歸其書唐氏  
二妙凋零筆法空，忽驚雲海戲羣鴻。清詩不敢私囊篋，人道黃  
門有父風。

出處榮枯一笑空，十年社燕與秋鴻。誰知白首長河路，還臥當  
時送客風。

再和楊公濟梅花十絕

一枝風物便清和，看盡千林未覺多。結習已空從著袂，不須天

女問云何

天教桃李作興臺故遣寒梅第一開憑仗幽人收艾納國香和  
雨入青苔

白髮思家萬里回小軒臨水爲花開故應贖作詩千首知是多  
情得得來

人去殘英滿酒尊不堪細雨溼黃昏夜寒那得穿花蝶知是風  
流楚客魂

春入西湖到處花幫腰芳草抱山斜盈盈解佩臨煙浦脈脈當  
壚傍酒家

莫向霜晨怨未開白頭朝夕自相催斬新一朵含風露恰似西

麻待月來。

洗盡鉛華見雪肌。要將真色鬪生枝。檀心已作龍涎吐。玉頰何勞獺髓醫。

湖面初驚片片飛。尊前吹折最繁枝。何人會得春風意。怕見梅黃雨細時。

長恨漫天柳絮輕。只將飛舞占清明。寒梅似與春相避。未解無私造物情。

北客南來豈是家。醉看參月半橫斜。他年欲識吳姬面。秉燭三更對此花。

次韻參寥同前

朝來處處白氈鋪樓閣山川盡一如總是爛銀并白玉不知奇  
貨有誰居

書渾令公燕魚朝恩圖

咸甯英氣似汾陽夜飲軍容出紅妝不須纏頭萬匹錦知君未  
辨作呂強

予去杭十六年而復來留二年而去平生自覺出處老少  
麤似樂天雖才名相遠而安分寡求亦庶幾焉三月六  
日來別南北山諸道人而下天竺惠淨師以醜石贈行  
作三絕句

當年衫鬢兩青青強說重臨慰別情衰髮祇今無可白故應相

對話來生

出處依稀似樂天敢將衰朽較前賢  
便從洛社休官去猶有閒居二十年

在郡依前六百日山中不記幾回來  
還將天竺一峰去欲把雲根到處栽

書王晉卿畫四首

山陰陳迹

當年不識此清真強把先生擬季倫  
等是人間一陳迹聚蚊金谷本何人

雪谿乘興



八家詩劍 卷二十七  
谿山雪月兩佳哉。賓主談鋒夜轉雷。猶言不見戴安道。爲問適從何處來。

四明狂客

豪端偶集一微塵。何處溪山非此身。狂客思歸便歸去。更求敕賜枉天真。

西塞風雨

斜風細雨到來時。我本無家何處歸。仰看雲天真簪笠。旋收江海入蓑衣。

題王晉卿畫後

醜石半蹲山下虎。長松倒臥木中龍。試君眼力看多少。做到雲

峰第幾重

贈武道士彈賀若

清風終日自開簾。涼月今宵自挂檐。琴裏若能知賀若，詩中定合愛陶潛。

元祐六年六月自杭州召還。汶公館我於東堂，閱舊詩卷。

次諸公韻三首

半熟黃粱日未斜。玉堂陰合手栽花。卻尋三十年前味，未飯鐘時已飯一作飲茶。

夢覺還驚屨響廊。故人來炷影前香。鬢須白盡成何事，一帖空存老遂良。

尺一東來喚我歸，衰年已迫故山期。  
文章曹植今堪笑，卻卷波瀾入小詩。

送歐陽主簿赴官韋城四首

名憲文忠公孫

鳳雛驥子曰相高，白髮蒼顏笑我曹。  
讀徧身籤二萬軸，欲來小邑試牛刀。

出處年來恨不齊，一尊臨水記分攜。  
江湖咫尺吾將老，汝穎東西流子卻西。

白馬津頭春水來，白魚猶喜似江淮。  
使君已復冰堂酒，更勸重新畫舫齋。

道傍垂白定霑巾，正似當年綠髮新。  
故國依然喬木在，典刑復

見老成人

譬痛謁告作三絕句示四君子

公退清閒如致仕酒餘歡適似還鄉不妨更有安心病臥看縈  
簾一炷香

心有何求遣病安年來古井不生瀾祇愁戲瓦間童子卻作冷  
泠一水看

小閣低窗臥晏溫了然非默亦非言維摩示病吾真病誰識東  
坡不二門

西湖戲作

一士千金未易償我從陳趙兩歐陽舉鞭拍手笑山簡祇有并

州一葛強

次韻趙德麟雪中惜梅且餉柑酒三首

千花未分出梅餘  
遣雪摧殘計已疏  
臥聞點滴如秋雨  
知是東風爲掃除

闔苑千葩映玉宸  
人閒只有此花新  
飛霏要欲先桃李  
散作千林火迫春

蹀躞嬌黃不受鞿  
東風暗與色香歸  
偶逢白墮爭春手  
遣入王孫玉斝飛

淮上早發

澹月傾雲曉角哀  
小風吹水碧鱗開  
此坐定向江湖老  
默數淮

中十往來

次韻德麟西湖新成見懷絕句

壺中春色飲中仙

自注謂洞庭春色也

騎鶴東來獨惘然猶有趙陳同李

郭不妨同泛過湖船

予少年頗知種松手植數萬株皆中梁柱矣都梁山中見

杜輿秀才求學其法戲贈二首

露宿泥行草棘中十年春雨養髯龍如今尺五城南杜欲問東

坡學種松

君方埽雪收松子我已開榛得茯苓爲問何如插楊柳明年飛

絮作浮萍

次韻秦少游王仲至元日立春三首

省事天公厭兩回  
新年春日併相催  
殷勤更下山陰雪  
要與梅花

花作伴來

己卯嘉辰壽阿同

自注子由一字同叔元日己卯渠本命也

願渠無過亦無功  
明年

春日江湖上回首  
觚稜一夢中

詞鋒雖作楚騷寒  
德意還同漢詔寬  
好遣秦郎供帖子  
盡驅春

色入毫端

自注立春日翰林學士供詩帖子

上元侍飲樓上三首呈同列

澹月疏星遶建章  
仙風吹下御爐香  
侍臣鵠立通明觀

一作一殿

朵紅雪捧玉皇

薄雪初銷野未耕  
買薪買酒看升平  
吾君勤儉倡優拙  
自是豐年有笑聲

老病行穿萬馬羣  
九衢人散月紛紛  
歸來一盞殘燈在  
猶有傳

柑遺細君

自注侍飲樓上則貴戚爭以黃柑遺近臣謂之傳柑聽鶻以歸蓋故事也

再送蔣穎叔帥熙河二首

使君九萬擊鵬鷗  
有爲陽關一斷魂  
不用寬心九千里  
安西都

護國西門

餘刃西屠橫海鯤  
應予詩讖是游魂  
歸來趁別陶弘景  
看挂衣

冠神武門

次韻錢穆父馬上寄蔣穎叔二首



玉關不用一丸泥自有長城烏鼠西贖與故人尋土物臘糲紅  
麴寄馳蹶

多買黃封作洗泥使君來自隴山西高才得免人人羨爭欲尋  
蹤覓舊蹶

七年九月自廣陵召還復館於浴室東堂八年六月乞會  
稽將去汶公乞詩乃復用前韻三首

乞郡三章字半斜廟堂傳笑眼昏花上人問我遲畱意待賜頭

綱八餅茶自注尚書學士得賜頭綱龍茶一片今年綱到最遲

夢繞吳山卻月廊白梅盧橘覺猶香自注杭州梵天寺有月廊數百間寺中多白荔枝盧

橋會稽且作須臾意從此歸田策最良

東南此去幾時歸  
倦鳥孤飛豈有期  
斷送一生消底物  
三年光景六篇詩

題毛女真

霧鬢風鬟木葉衣  
山川良是昔人非  
祇應閒過商顏老  
獨自吹簫月下歸

三月二十日開園三首

自此以上皆入爲翰林學士出守杭州入爲承旨出知潁州揚州入

爲端明學士出知定州之詩

雪鬢霜鬢語愴澹蕩園林  
取次行要識將軍不凡意  
從來祇啜小人羹

自注是日散父老酒食

西園牡籜夜沈沈  
尚有游人臥柳陰  
鶴睡覺時風露下  
落花飛

絮滿衣襟

鬱鬱蒼髯真道友絲絲紅萼是鄉人

自注蒼髯髯松也紅萼海棠也

何時翠竹

江村路送我柴門月色新

臨城道中作

並引○自此以下南遷嶺表之詩

予初赴中山連日風埃未嘗了了見太行也今將適嶺表頗以是爲恨過臨城內邱天氣忽清徹西望太行草木可數罔巒北走崖谷秀傑忽悟歎曰吾南遷其速返乎退之衡山之祥也書以付適使志之

逐客何人著眼看太行千里送征鞍未應愚谷能畱柳可獨衡山解識韓

予前後守倅餘杭凡五年夏秋之間蒸熱不可過獨中和堂東南頰下敞海門洞視萬里三伏常蕭然也紹聖元年六月舟行赴嶺外熱甚忽憶此處而作是詩

忠孝王家千柱宮東坡作吏五年中中和堂上東南頰獨有人聞萬里風

慈湖夾阻風五首

捍索梳竿立嘯空篙師酣寢浪花中故應管蒯知心腹弱纜能爭萬里風

此生歸路愈茫然無數青山水拍天猶有小船來賣餅喜聞虛落在山前

我行都是退之詩，真有人家水半扉。  
千頃桑麻在船底，空餘石髮挂魚衣。

日輪亭午汗珠融，誰識南訛長養功。  
暴雨過雲聊一快，未妨明月卻當空。  
臥看落月橫千丈，起喚清風得半帆。  
且竝水村欹側過，人閒何處不巉巖。

宿建封寺曉登善亭望韶石三首

雙闕浮光照短亭，至今猿鳥歎青熒。  
君王自此西巡狩，再使魚龍舞洞庭。

蜀人文賦楚人辭，堯在崇山舜九疑。  
聖主若非真得道，南來萬

里亦何爲

嶺海東南月窟西功成天已錫元圭此方定是神仙宅禹亦東來隱會稽

食荔枝二首

並引○前一首五律未鈔

惠州太守東堂祠故相陳文惠公堂下有公手植荔枝一株郡人謂之將軍樹今歲大熟賞啖之餘下逮吏卒其高不可致者縱猿取之

羅浮山下四時春盧橘揚梅次第新日啖荔枝三百顆不辭長作嶺南人

三月二十九日一首

南嶺過雲開紫翠北江飛雨送淒涼酒醒夢回春盡日閉門陰  
几坐燒香

門外橘花猶的爍牆頭荔子已爛斑樹暗草深人靜處捲簾欹  
枕臥看山

縱筆三首

寂寂東坡一病翁白須蕭散滿霜風小兒誤喜朱顏在一笑那  
知是酒紅

父老爭看烏角巾應緣曾現宰官身溪邊古路三叉口獨立斜  
陽數過人

北船不到米如珠醉飽蕭條半月無明日東家當祭竈隻雞斗

酒定膳吾

次韻子由贈吳子野先生二絕句

施注吳子野名復古一

一見論出世開法嘗著養生論一篇爲子野作也與遊  
二十餘年南遷至眞揚間見子野無一語及得喪休戚  
事獨告坡曰耶耶之夢猶足破妄而歸眞目見而身履  
之亦可以悟矣未幾南歸訪東坡於惠過子由於循坡  
徙僑耳子野又從之爲作遠遊菴銘送坡北歸遇疾而  
殂以文祭之曰嗚呼子野道與世違寂默自求閻門垂  
嶂兀爾坐忘有似子微或似壺子杜氣發機急人緩已  
忘其渴飢送我北還中道敝衣有疾不藥但卻甘肥問  
以後事一笑而靡  
可以知其人矣

馬迹車輪滿四方若爲閉暑小萌堂仙心欲捉左元放癡疾還

同顧長康

江令蒼苔圍故宅謝家語燕集華堂先生笑說江南事祇有青



山繞建康

被酒獨行徧至子雲威徽先覺四黎之舍三首

半醒半醉問諸黎  
竹刺藤梢步步迷  
但尋牛矢覓歸路  
家在牛欄西復西

總角黎家三四童  
口吹蔥葉送迎翁  
莫作天涯萬里意  
谿邊自有舞雩風

符老風情柰老何  
朱顏滅盡鬢絲多  
投梭每困東鄰女  
換扇唯

逢春夢婆

自注是日復見符林秀才言換扇事

題過所畫枯木竹石三首

老可能爲竹寫真  
小坡今與石傳神  
山僧自覺菩提長  
心境都

將付臥輪

散木支離得自全  
交柯剝蠹欲相纏  
不須更說能鳴雁  
要以空中得盡年

倦看澀勒暗蠻村  
亂棘孤藤束瘴根  
唯有長身六君子  
猗猗猶得似淇園

澄邁驛通潮閣二首

倦客愁聞歸路遙  
眼明飛閣俯長橋  
貪看白鷺橫秋浦  
不覺青林沒晚潮

餘生欲老海南村  
帝遣巫陽招我魂  
杳杳天低鶻沒處  
青山一髮是中原

合浦愈上人以詩名嶺外將訪道南嶽畱詩壁上云閒伴

孤雲自在飛東坡居士過其精舍戲和其韻

孤雲出岫豈求伴錫杖凌空自要飛爲問庭松尙西指不知老

柴幾年一作歸

書韓幹二馬

赤髯碧眼老鮮卑回策如縈獨善騎瀨白紫驢俱絕世馬中岳

湛有妍姿

跋王晉叔所藏畫

徐熙杏花

江左風流王謝家盡攜書畫到天涯卻因梅雨丹青曙洗出徐

熙落墨花

趙昌四季

芍藥

倚竹佳人翠袖長  
天寒猶著薄羅裳  
揚州近日紅千葉  
自是風流時世妝

躑躅

楓林翠壁楚江邊  
躑躅千層不忍看  
開卷便知歸路近  
劔南樵客爲施丹

寒菊

輕肌弱骨散幽葩  
真是青鬃兩鬢丫  
便有佳名配黃菊  
應緣霜

後苦無花

山茶

游蜂掠盡粉絲黃  
落葉猶收蜜露香  
待得春風幾枝在  
年來殺菽有飛霜

題靈峰寺壁

靈峰山上寶陀寺  
白髮東坡又到來  
前世德雲今我是  
依稀猶記妙高臺

贈龍光長老

研得龍光竹兩竿  
持歸嶺北萬人看  
竹中一滴曹溪水  
漲起西江十八灘

贈嶺上老人

鶴骨霜鬢心已灰青松合抱手親栽問翁大庾嶺頭住曾見南  
遷幾箇回

贈嶺上梅

梅花開盡百花開過盡行人君不來不趁青梅嘗煮酒要看細  
雨熟黃梅

予初謫嶺南過田氏水閣東南一峰豐下銳上里人謂雞  
籠山予更名獨秀峰今復過之戲畱一絕

倚天巉絕玉浮屠肯與彭郎作小姑獨秀江南知有意要三三  
別四三壺

畫車二首

何人畫此隻輪車，便是當年欵器圖。  
上易下難須審細，左提右挈免疏虞。

九衢歌舞頌王明，誰惻寒泉獨自清。  
賴有千軍能散福，化爲膏雨滿重城。

次韻郭功甫二首

蚤知臭腐卽神奇，海北天南總是歸。  
九萬里風安稅駕，雲鵬今悔不卑飛。

可憐倦鳥不知時，空羨騎鯨得所歸。  
玉局西南天一角，萬人沙苑看孤飛。

次韻法芝舉舊詩

一首

以上南遷嶺外及北歸之詩

春來何處不歸鴻非復羸牛踏舊蹤但願老師真似月誰家舊裏不相逢

睡起聞米元章圍熱到東園送麥門冬飲子

一睡清風直萬錢無人肯買北窗眠開心煖胃門冬飲知是東坡手自煎

洗兒

以下補遺

人皆養子望聰明我被聰明誤一生惟願孩兒愚且魯無災無難到公卿

戲作賈梁道詩

並引



王凌謂賈充曰汝非賈梁道之子耶乃欲以國與人由是觀之梁道之忠於魏也久矣司馬景王既執凌歸過梁道廟凌大呼曰我亦大魏之忠臣也及司馬病見凌與梁道守而殺之二人者可謂忠義之至精貫於神明矣然梁道之靈獨不能已其子充之姦至使首發成濟之事此又理之不可曉者也故予戲作小詩云

嵇紹似康爲有子  
郝超叛鑿似無孫  
如今更恨賈梁道  
不殺公閻殺子元

戲孫公素

披扇當年笑溫嶠  
握刀晚歲戰劉郎  
不須戚戚如馮衍  
便與時

時說李陽

劉監倉家煎米粉作餅子余云爲甚酥潘邠老家造逡巡酒余飲之云莫作醋錯著水來否後數日余攜家飲郊外因作小詩戲劉公求之

野飲花間百物無杖頭惟挂一葫蘆已傾潘子錯著水更覓君家爲甚酥

元祐元年二月八日朝退獨在起居院讀漢書儒林傳感申公故事作小詩一絕

寂寞申公謝客時自言已見穆生幾縮臧下吏明堂廢又作龍鍾病免歸

八家詩集 卷二十七 七 三

過子忽出新意以山芋作玉糝羹色香味皆奇絕天上酥陀則不可知人間決無此味也

香似龍涎仍齏白味如牛乳更全清莫將南海金齏膾輕比東

坡玉糝羹

擷菜 並序

吾借王參軍地種菜不及半畝而吾與過子終年飽菜夜半飲醉無以解酒輒擷菜羹之味含土膏氣飽風露雖梁肉不能及也人生須底物而更貪耶乃作四句

秋來霜露滿東園蘆菔生兒芥有孫我與何曾同一飽不知何苦食雞豚

陸放翁七絕上百七十首

東陽道中

風欵烏帽送輕寒  
雨點春衫作碎斑  
小吏知人當著句  
先安筆硯對溪山

以石芥送劉韶美禮部劉比釀酒勁甚因以爲戲二首

古人重改陽城驛  
吾輩欣聞石芥名  
風味可人終骨髄  
尊前真見魯諸生

長安官酒甜如蜜  
風月雖佳嬾舉觴  
持送盤蔬還會否  
與公新釀鬪端方

買魚二首

臥沙細肋何由得出水。纖鱗卻易求。一夏與僧同粥飯。朝來破

戒醉新秋。

兩京春齋論斤賣。江上鱸魚不直錢。斫膾擣齋香滿屋。雨窗喚

起醉中眠。

悲秋

煙草淒迷八月秋。荒村絡緯戒衣裘。道人大欠修行力。平地開

生爾許愁。

七月十四夜觀月

不復微雲滓。太清浩然風。露欲三更開。簾一寄平生。快萬頃空

江著月明。

十月苦蠅二首

村北村南打稻忙，浮雲吹盡見朝陽。不宜便作晴明看，撲面飛蠅未退藏。

十月江南未擁爐，癡蠅擾擾莫嫌渠。細看豈是堅牢物，付與清霜爲掃除。

重陽

照江丹葉一林霜，折得黃花更斷腸。商略此時須痛飲，細腰宮畔過重陽。

秋風亭拜寇萊公遺像二首

以下皆入蜀以後之詩

江上秋風宋玉悲，長官手自葺茅茨。人生窮達誰能料，蠟淚成

堆又一時

豪傑何心後世名材高遇事卽崢嶸巴東詩句澶州策信手拈  
來盡可驚

倚闌

故山未敢說歸期十口相隨又別離小雨初收殘照晚闌干西  
角立多時

謝張廷老司理錄示山居詩二首

顛顛經年客瘴鄉把君詩卷意差強古人三語猶嗟賞况是珠  
璣滿錦囊

老覺人間萬事非但思茆屋映疏籬秋衾已是饒歸夢更讀山

居二首詩

大安病酒留半日王守復來招不往送酒解醒因小飲江

月館

江驛春醒半日留更煩送酒爲扶頭柳花漠漠嘉陵岸別是天  
涯一段愁

和高子長參議道中二絕

梁州四月晚鷺唳共憶扁舟罨畫谿罨畫谿在越州思鄉也莫作世間兒

女態明年萬里駐安西

豐年食少厭兒嘍覓得微官落五谿大似無家老禪衲打包還

度棧雲西



自三泉泛嘉陵至利州

日日邇途處處詩書生活計絕堪悲江雲垂地灘風急一似前  
年上碛時

仙魚鋪得仲高兄書

病酒今朝載臥輿秋雲漠漠雨疏疏閬州城北仙魚鋪忽得山  
陰萬里書

劍門道中遇微雨

衣上征塵雜酒痕遠遊無處不消魂此身合是詩人未細雨騎  
驢入劍門

劍門城北回望劍關諸峰青入雲漢感蜀亡事慨然有賦

自昔英雄有屈信。危機變化亦逡巡。陰平窮寇非難禦。如此江山坐付人。

越王樓二首

上盡江邊百尺樓。倚欄極目莫江秋。未甘便作衰翁在。兩腳猶堪躡九州。

蒲萄酒綠似江流。夜燕唐家帝子樓。約住箏絃呼羯鼓。要渠打散醉中愁。

和譚德稱送牡丹二首

洛陽春色擅中州。檀暈鞋紅總勝流。顛顛劍南人不管。問渠情味似儂不。

吾生何拙亦何工憂患如山一笑空猶有餘情被花惱醉搔華髮倚屏風

思政堂東軒偶題

驕愁酒病兩無聊小篆吹香已半消喚起十年閩嶺夢蘋桐花畔見紅蕉

先生嘗爲福州甯德主簿故曰閩嶺夢

荔枝樓小酌二首

碧瓦朱欄已半摧強呼歌舞試樽罍邦人莫訝心情嬾新出鷲

花海裏來

病與愁兼怯酒船巴歌聞罷更悽然此身未死長爲客回首夔州又二年

醉中作四首

晚途豪氣未低摧，一飲猶能三百杯。  
爛爛目光方似電，齟齬鼻息忽如雷。

駕鶴孤飛萬里風，偶然來憩大峨東。  
持杯露坐無人會，要看青天入酒中。

曾賜琳腴白玉京，狂歌起舞蜀人驚。  
卻騎黃鶴橫空去，今夕垂虹醉月明。

畫角三終夜未闌，醉憑飛閣喜天寬。  
月明滿地江風急，吹落幽人紫綺冠。

池上見魚躍有懷姑熟舊遊

雨過回塘漲碧漪  
幽人閒照角巾欹  
銀刀忽裂圓波出  
宛似姑溪晚泊時

秋夜讀書戲作

別駕生涯似蠹魚  
簡編垂老未相疏  
也知賦得寒儒分  
五十燈前見細書

太平花

元注花出劔南似桃四出千百包駢萃成  
柴天聖中獻至京師仁宗賜名太平花

扶牀踉蹌出京華  
頭白車書未一家  
宵旰至今勞聖主  
淚痕空對太平花

次韻周輔道中二首

山靈喜我馬蹏聲  
正用此時秋雨晴  
日淡風斜江上路  
蘆花也

似柳花輕

從來重九如寒食天氣微陰正自佳  
莫問茱萸賜朝士一尊隨處有黃花

高秋亭

三日山中醉復醒  
徑歸回首愧山靈  
從今惜取觀書眼  
長看天西萬疊青

九日試霧中僧所贈茶

少逢重九事豪華  
南陌雕鞍擁鈿車  
今日蜀州生白髮  
瓦爐獨試霧中茶

花時徧遊諸家園十首

看花南陌復東阡。曉露初乾。日正妍。走馬碧雞坊裏去。市人喚作海棠顛。

爲愛名花抵死狂。只愁風日損紅芳。綠章夜奏通明殿。乞借春陰護海棠。

翩翩馬上帽簷斜。盡日尋春不到家。偏愛張園好風景。半天高柳臥溪花。

花陰掃地置清尊。爛醉歸時夜已分。欲睡未成敲倦枕。輪囷帳底見紅雲。

宣華無樹著。嘒。鴛。惟。有。摩訶。春。水。生。故。老。能。言。當。日。事。直。將。宮。錦。裏。宮。城。

枝上猩猩血未晞。尊前紅袖醉成圍。應須直到三更看。畫燭如椽爲發輝。

重萼丹砂品最高。可憐寂寞棄蓬蒿。會當車載金錢去。買取春歸亦足豪。

絲絲紅萼弄春柔。不似疏梅只慣愁。常恐夜寒花索寞。錦茵銀燭按涼州。

飛花盡逐五更風。不照先生社酒中。輸與新來雙燕子。銜泥猶得帶殘紅。

海棠已過不成春。絲竹淒涼鎖暗塵。眼看燕脂吹作雪。不須零落始愁人。



題直舍壁

文書那得廢哦詩羞作羣兒了事癡付與後人評此老一邱一壑過元規

觀華嚴閣僧齋

元注閣下自四月初至七月末日飯僧數千人

拂劍當年氣吐虹暗鳴坐覺朔庭空  
早知壯志成癡絕悔不藏名萬劫中

寺樓月夜醉中戲作三首

素壁徐升天宇閒連峰積雪蒼茫間  
樓臺是處可見月無此巖巖羣玉山

水晶盞映碧琳腴月下泠泠看似無  
此酒定從何處得剡知不

是文君壚

海山縹緲玉眞妃  
貪看冰輪不肯歸  
樓上三更風露冷  
旋圍步障換羅衣

江濱池納涼

雨過荒池藻荇香  
月明如水浸胡牀  
天公作意憐羈客  
乞與今年一夏涼

讀書二首

面骨崢嶸鬢欲疏  
退藏只合臥蝸廬  
自嫌尙有人間意  
射雉歸來夜讀書

歸老甯無五畝園  
讀書本意在元元  
燈前目力雖非昔  
猶課蠅

八家詩錄  
頭二萬言

元注時方讀  
小本通鑑

寺居睡覺二首

虛窗寂寂夜三更  
燈斂殘光避月明  
老嬾只貪春睡美  
媿聞童子誦經聲

心地安平曉夢長  
忽聞魚鼓動修廊  
披衣起坐清羸甚  
想像雲

堂魚粥香

元注僧雜菜餌之  
屬作粥名魚粥

海棠二首

十里迢迢望碧雞  
一城晴雨不曾齊  
今朝未得平安報  
便恐飛紅已作泥

蜀地名花擅古今  
一枝氣可壓千林  
譏彈更到無香處  
常恨人

言太刻深

雜詠四首

青羊宮中竹暗天  
白馬廟畔柏如山  
琴尊處處可消日  
車馬紛紛自欠閒

石犀廟壩江已回  
陵谷一變吁可哀  
卽今禾黍連雲處  
當白帆檣隱映來

微風翻翻芋葉白  
落日漠漠稻花香  
出門縱轡何所詣  
萬里橋南追晚涼

世事盛衰誰得知  
惠陵煙草掩柴扉  
陵邊人家叢竹裏  
燈火喧呼迎婦歸

夜坐

大風橫吹斗柄折，迅雷下擊山壁裂。  
放翁閉戶寂不聞，楞嚴卷盡燈花結。

城北青蓮院，方丈壁間有畫鷲。  
子者過客多題詩，予亦戲

作二絕句

一雙掠水鷺，來初萬點飛。  
花社雨餘辛，苦成巢君勿笑，從來吾亦愛吾廬。

明窗短壁拂蛛絲，常是江邊送客時。  
畱滯錦城生白髮，不如巢燕有歸期。

雙流旅舍三首

孤市人稀冷欲冰昏昏一盞店家燈開門拂榻便酣寢我是江  
南行腳僧

西風黃葉滿江村瘦馬來穿渡口雲動地傳呼逢醉尉誰何禁  
殺故將軍

每因髀肉歎身閒聊欲勤勞鞍馬間黑貂黃旗端未免會衝風  
雪出榆關

文君井

落魄西州泥酒杯酒酣幾度上琴臺青鞋自笑無羈束又向文  
君井畔來

山中小雨得字文使君簡問嘗見張僊翁乎戲作一絕

張僊挾彈知何往清嘯穿林但可聞拾得鐵丸無處用爲君打

散四山雲

元注張四郎常挾彈視人家有災疾者輒以鐵丸擊散之

雨中山行至松風亭忽澄霽

煙雨千峰擁髻鬢忽看青嶂白雲閒卷藏破墨營邱筆卻展將軍著色山

夜寒二首

清夜焚香讀楚詞寒侵貂褐歎吾衰輕冰滿研風聲急忽記山陰夜雪時

斗帳重茵香霧重膏梁那可共功名三更騎報河冰合鐵馬何人從我行

記夢二首

烏巾白紵憶當年抵死尋春不自憐  
顛顛額劍南雙鬢改夢中猶  
上暗門船

團臍霜鬢四腮鱸樽俎芳鮮十載無  
塞月征塵身萬里夢魂也  
復醉西湖

江上散步尋梅偶得三絕句

酒熙四年丁酉五十三歲

小園風月不多寬一樹梅花開未殘  
剝啄敲門嫌特地緩拖藤  
杖隔籬看

鐘殘小院欲消魂  
漠漠幽香伴月痕  
江上人家應勝此  
明朝更出小南門



小南門外野人家。短短疏籬。縹白。沙紅稻。不須鸚鵡啄清霜。催放兩三花。

看梅歸馬上戲作

五首錄二

平明南出笮橋門。走馬歸來趁未昏。漸老更知閒有味。一冬強半在梅村。

江郊車馬滿斜暉。爭趁南城未闔扉。要識梅花無盡藏。人人襟袖帶香歸。

敘州三首

自拜寇萊公像至此皆久客蜀中之詩

畫船衝雨入戎州。縹緲山橫杜若洲。須信時平邊堠靜。傳烽夜

夜到西樓

元注州治西樓

文章何學觸雷霆風雨南谿自醉醒八十年間遺老盡壞堂無

壁草青青

元注無等院山谷故居

楚梅吳檣又遠遊浣花行樂夢西州千尋鐵鎖還堪恨空鎖長

江不鎖愁

元注鎖江亭

龍興寺弔少陵先生寓居

以下皆出蜀之詩

中原草草失承平戍火胡塵到兩京扈蹕老臣身萬里天寒來

此聽江聲

元注以少陵詩考之蓋以秋冬間寓此州也寺門聞江聲甚壯

歸州重五

宿熙戊戌五十四歲

關舸紅旗滿急湍船窗睡起亦閒看屈平鄉國逢重五不比常

年角黍盤

楚城

江上荒城猿鳥悲，隔江便是屈原祠。  
一千五百年間事，只有灘聲似舊時。

小雨極涼舟中熟睡至夕

舟中一雨埽飛蠅，半脫綸巾臥翠藤。  
清夢初回窗日晚，數聲柔艣下巴陵。

過靈石三峰二首

奇峰迎馬駭衰翁，蜀嶺吳山一洗空。  
拔地青蒼五千仞，勞渠蟠屈小詩中。

曉日曛曛雪未殘，三峰傑立插雲間。  
老夫合是征西將，胸次先

收一華山

梅花絕句

共十首錄四

濯錦江邊憶舊遊  
纏頭百萬醉青樓  
如今莫索梅花笑  
古驛燈

前各自愁

蜀王小苑舊池臺  
江北江南萬樹梅  
只怪朝來歌吹鬧  
園官已

報五分開

元注成都合江園蓋故蜀別苑梅最盛自初

湖上梅花手自移  
小橋風月最相宜  
主人歲歲常爲客  
莫怪幽

香怨不知

元注余所居在山陰鏡湖

探春歲歲在天涯  
醉裏題詩字半斜  
今日谿頭還小飲  
冷官不

禁看梅花

入宋詩少

卷二十七

七絕

梅

是

池館登臨雪半消。梅花與我兩無聊。青羊宮裏應如舊。腸斷春風萬里橋。

今年真負此花時。醉帽何曾插一枝。漸老情懷多作惡。不堪還作送梅詩。

建安遣興

六首錄五六

綠沈金鎖少時狂。幾過秋風古戰場。夢裏都忘閩嶠遠。萬人鼓吹入平涼。

刺虎騰身萬目前。白袍濺血尚依然。聖時未用征遼將。虛老龍門一少年。

秋懷二首

莫年身世轉悠悠，又向天涯見早秋。  
昨夜月明今夜雨，關人何事總成愁。

星斗闌干河漢流，建州風物更禁秋。  
年來多病題詩懶，付與鳴蛩替說愁。

黃亭夜雨

元注去武夷四十里

未到名山夢已新，千峰拔地玉嶙峋。  
黃亭一夜風吹雨，似爲遊人洗俗塵。

紫谿驛二首

元注信州鉛山縣

它鄉異縣老何堪，短髮蕭蕭不滿簷。  
旋買一尊持自賀，病身安穩到江南。

雲外丹青萬仞梯，木陰合處子規啼。  
嘉陵棧道吾能說，略似黃亭到紫谿。

臥輿

白首躬耕已有期，鳳城歸路覺遲遲。  
臥輿擁被聽秋雨，占盡人間好睡時。

夜坐

老知世事謾紛紛，紙帳蒲團自策勳。  
一夜北風吹裂屋，石樓無耳不曾聞。

月巖

幾年不作月巖遊，萬里重來已白頭。  
雲外連娟何所似，平羌江

上半輪秋

聞雁

過盡梅花把酒稀  
熏籠香冷換春衣  
秦關漢苑無消息  
又在江南送雁歸

燈夕有感

清熙庚子  
五十六歲

芙蓉紅綠亦參差  
睡起燒香強賦詩  
萬里錦城無夢到  
豈惟虛負放燈時

感舊絕句七首

鳴翎堠前山簇馬  
雞蹤橋下水連天  
金丹煉成不肯服  
且戲人間五百年



鵝黃酒邊綠荔枝摩訶池上納涼時  
冰紈不畫驂鸞女卻寫江南白紵辭

南市夜夜上元燈西鄰日日是清明  
青氈犢車碾花去黃金馬鞭穿柳行

十月新霜兔正肥佳人駿馬去如飛  
纖腰嫋嫋戎衣窄學射山前看打圍

半紅半白官池蓮半醒半醉女郎船  
鴛鴦驚起何曾管折得雙頭喜欲顛

首句元注江濱廟池

紅葉琵琶出嘉州四絃彈盡古今愁  
胡沙漫漫紫塞曉漢月娟娟  
娟青冢秋

美人傳酒清夜闌欲歌未歌愁遠山蒲萄一斗元無價換得涼州也是閒。

畫臥聞百舌

雨後郊原已徧犁陰陰簾幙燕分泥閒眠不作華胥計說與春

鳥自在嘸

元注江南呼百舌爲春鳥

觀蔬圃

菘芥可菹芹可羹晚風咿嘍桔槔聲白頭孤宦成何味悔不畦蔬過此生

焚香晝睡比覺香猶未散戲作二首

小屏煙樹遠參差吏散身閒與睡宜誰似爐香念幽獨伴人直

到夢回時

燕梁寂寂篆煙殘  
偷得勞生數刻閒  
三疊秋屏護琴枕  
臥遊忽到灑西山

薤庭草

露草煙蕪與砌平  
羣蛙得意亂疏更  
微涼要作安眠地  
放散今宵鼓吹聲

夏日晝寢夢遊

一院闐然無人簾影滿  
堂惟燕躡箏絃有聲覺而聞鐵鐸風響  
璆然殆所夢也  
卯因得絕句

桐陰清潤雨餘天  
檐鐸搖風破晝眠  
夢到晝堂人不見  
一雙輕燕蹴箏絃

詩李商叟秀才所藏曾文清詩卷後

隴蜀歸來兩鬢絲。茶山已作隔生期。西風落葉秋蕭瑟。淚灑行  
間讀舊詩。

社日小飲

社日西風吹角巾。一尊彊醉汝江濱。杏梁燕子還堪恨。歸去  
惓不報人。

杭頭晚興二首

山色蒼寒野色昏。下程初閉驛亭門。不須更把澆愁酒。行盡天  
涯慣斷魂。

落葉孤村晚下程。癡雲殘日半陰晴。篝爐火煖牀敷穩。臥聽黃

鴉穀穀聲

予欲自嚴買船下七里灘謁嚴光祠而歸會灘淺陸行至  
桐廬始能泛江因得絕句

客星祠下渺煙波  
欠我扁舟舞短簑  
不爲窮冬怕灘惡  
正愁此老笑人多

漁浦二首

桐廬處處是新詩  
漁浦江山天下稀  
安得移家常住此  
隨潮入縣伴潮歸

漁翁持魚叩舷賣  
炯炯綠瞳雙臉丹  
我欲從之逝已遠  
菱歌一曲莫江寒

小園四首

清熙八年辛丑五十七歲

小園煙草接鄰家。桑柘陰陰一徑斜。臥讀陶詩未終卷。又乘微雨去鋤瓜。

歷盡危機歇盡狂。殘年惟有付耕桑。秋天氣朝朝變。蠶月人家處處忙。

村南村北鶉鴉聲。水刺新秧漫漫平。行徧天涯千萬里。卻從鄰父學春耕。

少年壯氣吞殘虜。晚覺邱樊樂事多。駿馬寶刀俱一夢。夕陽閒和飯牛歌。

夜坐獨酌

玉宇沈沈夜向闌。跨空飛閣倚高寒。一壺清露來雲表。聊爲幽人洗肺肝。

湖村月夕四首

客路風塵化素衣。閒愁冉冉鬢成絲。平生不負月明處。神女廟前聞竹枝。

錦城曾醉六重陽。回首秋風每斷腸。最憶銅壺門外路。滿街歌吹月如霜。

金尊翠杓猶能醉。狐帽貂裘不怕寒。安得驂騑三萬匹。月中鼓吹渡桑乾。

誰持綠酒醉幽人。鶴鬣筇枝發興新。今夜湖邊有奇事。青山缺

處湧冰輪

蔬圃絕句七首

擬種燕薺已是遲晚  
菘韭恰當時老夫要作齋  
盂備乞得青秧趁雨移

百錢新買綠蓑衣  
不羨黃金帶十圍  
枯柳坡頭風雨急  
憑誰畫我荷鋤歸

青青蔬甲早寒天  
想像登盤已墮涎  
更欲鋤畦向東去  
園丁來報竹行鞭

瓦疊浮屠盆作池  
池邊紅蓼兩三枝  
貪看忘却還家飯  
恰似兒童放學時



小橋只在槿籬東。溝水穿籬曲折通。煙雨空濛最堪樂。從教打溼敗天公。

衝雨衝風不怕寒。晚來日出短蓑乾。遶畦拾塊眞爲樂。莫作陶公運甕看。

嬾隨年少愛花狂。且伴羣兒鬪草忙。行徧山南山北路。歸時新月浸橫塘。

蔬園雜詠五首

菘

雨送寒聲滿背蓬。如今眞是荷鋤翁。可憐遇事常遲鈍。九月區區種晚菘。

蕪菁

往日蕪菁不到吳如今幽圃手親鋤憑誰爲向曹瞞道徹底無能合種蔬

蔥

巨盆麥飯伴鄰翁黃菌青蔬放筯空一事尚非貧賤分芼羹僭

用大官蔥

元注鄉圃有大官蔥比常蔥差小

巢

昏昏霧雨暗衡茅兒女隨宜治酒殺便覺此身如在蜀一盤籠

餅是碗巢

元注蜀中雜麩肉爲巢餛頭佳甚

芋

陸生晝臥腹便便歎息何時食萬錢莫謂蹲鴟少風味賴渠撐拄過凶年

秋雨漸涼有懷興元三首

興元今漢中府南鄭附郭縣也

八月山中夜漸長雨聲燈影共淒涼遙知南鄭風霜早已有寒熊犯獵場

十年前在古梁州痛飲無時不慣愁最憶夜分歌舞歇臥聽秦女擘箜篌

清夢初回秋夜闌牀前耿耿一燈殘忽聞雨掠蓬窗過猶作當時鐵馬看

秋夜觀月二首

夢回殘燭耿房櫳杳杳江天叫斷鴻病骨不禁風露重披衣小  
立月明中

誰琢天邊白玉盤亭亭破霧上高寒山房無客兒貪睡常恨清  
光獨自看

枕上

香冷燈昏夢自驚清愁冉冉帶餘醒夜長誰作幽人伴惟是蛩  
聲與月明

月下

月白庭空樹影稀鵲棲不穩繞枝飛老翁也學癡兒女撲得流  
螢露溼衣

寄題朱元晦武夷精舍五首

先生結屋綠巖邊，讀易懸知屢絕編。不用采芝驚世俗，恐人謗道是神仙。

蟬蛻巖間果是無，世人妄想可憐渠。有方爲子換凡骨，來讀晦菴新著書。

身閒曠覺溪山好，心靜尤知日月長。天下蒼生未蘇息，憂公遂與世相忘。

齊民本自樂衡門，水旱那知不自存。聖主憂勤常旰食，煩公一報曾孫。

山如嵩少三十六，水似邛邽九折途。我老正須閒處著，白雲一

半句分無

無題

碧玉當年未破瓜。學成歌舞入侯家。如今顛倒蓬窗裏。飛上青天妬落花。

遊仙五首

羅淵谷選放翁詩有游仙七古一首  
卽飄飄初珥玉殿三絕句合成者

飄飄鸞鶴杳難攀。萬里東遊海上山。應有世人遙稽首。紫簫餘調落雲間。

鳳舞鸞歌宴藥宮。碧桃花下醉千鍾。紅塵謫滿重歸去。花未開殘宴未終。

玄圃春風賜宴時。雙成獨奏玉參差。侍晨飲醕虛皇喜。一段龍

納索進詩

初珥金貂謁紫皇  
仙班最近玉爐香  
爲憐未慣叢霄冷  
獨賜流霞九盃觴

玉殿吹笙第一仙  
花前奏罷色悽然  
憶曾偷學春愁曲  
謫在人閒五百年

十八家詩鈔卷二十七

善化黃維申襄校